

9 мая. Пренесение мощей свт. Николая Мирликийского. 1
На Господи возвах, глас 8:

На Небо добродетелей возшед превысоких, / чудотворец явился еси
в Мирах, славне: / телом в Баре почивая, / духом везде верныя
посещаяши, / и вся от бед изымаеши, / достойно честь приемля, /
во святителях прославляеши, / Христов угодниче блаженне. / Тя
ныне молебно призывающе, / умильно глаголем: / помолися,
святителю Николае, Спасу всех, // умирить мир, и спасти души наша.

Молебными песнями, сошедшеся, празднующи, / нашего заступника
честное пренесение радостно восхвалим, / иже вся страны просвещает
чудесы, / и скорбящих божественно утешает, / обидимыя избавляет, /
иже милостиною Бога одолжи, / и того ради прият стократное
воздаяние. / К нему же вси мы взываем: / помолися, святителю Николае,
Спасу всех, // умирить мир, и спасти души наша.

Ангельская жилища достиг добродетельми, / предстоиши Владыце
твоему Христу, / Ему же раб благопокорив был еси. / И от раки миро
точиши, / верным пособствуя чудесы твоими, / и к Богу приводя
благочестивыя. / Не от Бара ныне призываем тя, / но от горняго
Иерусалима, / идеже радостно ликуеши со апостолы и пророки, и
святители: / помолися, Богоносе Николае, Спасу всех, // умирить мир
и спасти души наша.

Слава, глас 6:

Святителей удобрение и отцев славу, / источника чудес, и верных
заступника великаго, / сошедшеся, о празднующи, / песенными
похвалами воспоём, глаголюще: / радуйся, мирянов хранителю, /
и первоседателю честный, и столпе неподвижимый: / радуйся,
светильниче всесветлый, / иже мирския концы просвещая чудесы: /
радуйся, скорбящих Божественная радости, / и обидимых теплый
предстателю. / И ныне, всеблаженне Николае, / не претай моляся
Христу Богу, / о верою и любовью чтущих // приснорадостную и
всепразднственную память твою.

На литии, глас 2:

Отче Никóлае, / áще и Мíрская странá молчít, / но мíр вéсь, íже тобо́ю просвещéнный, / мíра же благоухáнии, и чудéс мнóжеством, / взывáет благохвáльными пéснями, / и спáсшиися тобо́ю, осуждéнии. / С сýщими в Мíрех и мы пою́ще вопи́ем: // моли́, спастíся душáм нáшим.

Слáва, глас 6:

Благíй ра́бе вёрный, / дéлателью виногрáда Христóва, / ты́ и тяготу́ дневнóю понéсл еси́, / ты́ и дáнный тí талáнт возрастíл еси́, / и по тебе́ пришéдшим не завíдел еси́. / Тёмже вратá Небéсная отверзóшася тебе́, / вни́ди в рáдость Гóспода твоегó, // и моли́ о нáс, свя́те Никóлае.

На стихóвне, глас 4:

Звездú незаходíмую Всесвётлаго Сóлнца, / Не́бо духóвное, повéдающее слáву Бóжию спасíтельную, / Божéственного проповéдника, просвещника язýком, / реку́, излива́ющую вóды рáзума, / и напáяющую вёрных сердцá, // да ублаж́им Николáя, преслáвнаго святíтеля.

Слáва, глас 6:

Человéче Бóжий и вёрный ра́бе, / слугó Госпóдень, / мýжу желáний, / сосúде избрáнный, / стóлпе и утверждéние цёркве, / Цáрствия наслéднице, // не премолчи́, вопи́я за ны́ ко Гóсподу.

Тропа́рь, глас 4:

Приспе́ день свѣтлаго торжества́, / град Ба́рский ра́дуется, / и с нимъ
вселѣнная вся́ ликовству́ет, / пѣсньми и пѣньми духо́вными: / днѣсь
бо священное торжество́, / в пренесѣние честныхъ и многоцѣлебныхъ
мощѣй, / святителя́ и чудотворца́ Никола́я, / якоже со́лнце
незаходимо́е возсия́, светоза́рными луча́ми, / разгоня́я тьму́ искуше́ний
же и бе́д / от вопи́ющихъ ве́рно: // спаса́й насъ, яко предста́тель нашъ,
вели́кий Нико́лае.

Ин тропа́рь, глас 4:

Оте́чество свое́, Ми́ры Лики́йския, / не оставь дѹхомъ, / во
преми́рный град Ба́рский пресла́вно тѣломъ пренесѣся, / архиере́ю
Нико́лае. / И оттѹду мно́жество челове́ческое своимъ пришѣствиемъ
возвесели́л еси́ / и боля́щия исцели́л еси́. / Те́мже тя мо́лимъ,
святителю́ Нико́лае, / моли́ Христа́ Бо́га, // да спасѣт дѹши на́ша.

Конда́к глас 3:

Взы́де яко звезда́ от восто́ка до запа́да, / твоя́ мо́щи, святителю́
Нико́лае, / мо́ре же освятѣся шѣствиемъ твои́мъ, / и град Ба́рский
приѣмлет тобо́ю благода́ть: / насъ бо дѣля́ явилъ еси́ чудотворецъ
изящный, // предѣвный и ми́лостивый.

Прокімен: Честна́ пред Го́сподем / сме́рть преподо́бных Егó.

Слава.../ молитвами святителя Николая..

По 50-м псалме́, гла́с 6:

Наслédниче Бо́жий, / соприча́стниче Христо́в, / служи́телю Госпо́день,
свѣте Нико́лае, / по ѳмени твоeму́ тако и жити́е твоe: / спроси́я
бо седи́не рáзум, / свидeтельствоваше свeтлостъ лица́ твоегó,
душeвное незлóбие: / извeствоваше крóтость, слóва молчали́вое. /
Жи́знь твоя́ слáвна, / и успeние со свѣты́ми, // моли́ о душа́х на́ших.

На хвалі́тех, гла́с 2:

Прави́ло вeры и о́браз крóтости, / яви́ тебе́ ста́ду твоeму́ Христо́с Бо́г, /
свѣтителю Нико́лае: / в Ми́рех ўбо благоухáюще ти́, / всю́ду сия́ют
свeтло Божeственная твоя́ исправлeния, / си́рых и вдови́ц
предста́телю. / Те́мже моли́ся непреста́нно, // спасти́ ду́ши на́ша.

Сла́ва, гла́с 5:

Востру́бим трубо́ю пeсней, / взыгра́ем пра́зднственная, и ликовству́ем
ра́дующеся, / в моле́бное торже́ство Богоно́снаго отца́. / Людие да
стеку́тся, / ѳже со́нным стра́шным явлeнием царя́ препира́юще, /
непови́нно держи́мая три́ отпусти́ти воево́ды да воспою́т. / Па́стырие
и учи́телие, / до́брого Па́стыря подобноревни́тельна па́стыря,
соше́дшеся восхва́лим. / Иже в недúзех врача́, / в беда́х
изба́вителя, / грeшнии заступника́, / ни́щии сокрови́ще, / и ѳже в
скóрбех утeшителя, / спúтника путеше́ствующи, / на мо́ри сущи́и
прави́теля, / и вси́ вездe те́пле предва́ряюще, / вели́каго свѣтителя
восхваля́юще, си́це рце́м: / пресвѣты́й Нико́лае, предва́ри и изба́ви на́с
от настоя́щия беда́, // и спаси́ ста́до твоe моли́твами твои́ми.